

SAN MO'

Mia tèra generosa, tèra santa
'ndova son nà, 'ndova son chersù,
'ndova me cheur ant j'ani l'ha batù
giornà dopo giornà 'l temp 'dla vita.

Milenari pais passà a la storia
che t'las fam-e da cun-a o mia San Mo'
dosman posà ans le rive ariose 'd Po
che a cun-a fra i so brass tuta toa gloria.

San Mò, con le anciarmant-e lavandere
e la stendùà posà 'nsima aj tò prà,
un lusent arcancel tut colorà
che a sè spécia aij rifless ëd toe bialere.

E 'l giuss dla tèra ch'a sgorga dal përfund
a fa nasse anti j camp un-a delissia :
vanto 'd San Mò, la soa vera primissia
la "frola" conossua ant tut ël mond.

'L tò vej pont campà fra le doe rive
che a sbërlusa da sota ël ciair 'dla lun-a
e Pulcherada, simbol ëd fortun-a
che a nòsta gent a l'ha mostraj-e a vive.

Mincatant ausso j'eui su vers 'l ciel
e se vëddo la Tor ëd Moncanin
sento che 'l Ciel a l'è un poc pì davzin
sento che 'l vive sù a San Mò l'è bell!

Pier Carlo Maschera